

**Broj: UP1-06-13-1-45-05/20**  
**Mostar, 23.07.2020. godine**

Na osnovu člana 85. stav (2) i člana 92. stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 27. Zakona o korištenju obnovljivih izvora energije i učinkovite kogeneracije („Službene novine Federacije BiH“ 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (3), člana 33. stav (3), člana 42. stav (2) i člana 48. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 15., člana 16., člana 17., člana 21., člana 22., člana 26. i člana 37. stav (1) Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 16. Pravilnika za izdavanje dozvola („Službene novine Federacije BiH“ broj 2/17 i 39/20), Regulatorna komisija za energiju u Federaciji Bosne i Hercegovine - FERK, na XII redovnoj sjednici održanoj 23.07.2020. godine je donijela sljedeću

## **ODLUKU**

### **Član 1.**

- Usvaja se Nacrt dozvole za rad za proizvodnju električne energije u mikro-postrojenju OIE, u postupku izdavanja dozvole po Zahtjevu za izdavanje dozvole za rad za proizvodnju električne energije u mikro-postrojenju OIE broj UP1-06-13-1-45/20 od 10.06.2020. godine, podnosioca zahtjeva FOTONAPONSKA ELEKTRANA „MARKOVIĆ“, vl. Anđelko Marković, iz Stoca, u tekstu kako je predložen na dnevni red za sjednicu.
- Nacrt iz stava (1) ovog člana je sastavni dio ove odluke.

### **Član 2.**

Opšta rasprava o Nacrtu dozvole za rad za proizvodnju električne energije u mikro-postrojenju OIE, u postupku izdavanja dozvole po Zahtjevu za izdavanje dozvole za rad za proizvodnju električne energije u mikro-postrojenju OIE broj UP1-06-13-1-45/20 od 10.06.2020. godine, podnosioca zahtjeva FOTONAPONSKA ELEKTRANA „MARKOVIĆ“, vl. Anđelko Marković, iz Stoca, obavit će se dostavljanjem pisanih komentara javnosti na Nacrt dozvole za rad za proizvodnju električne energije u mikro-postrojenju OIE.

### **Član 3.**

- Imenuje se Emina Đulić, stručnjak za zaštitu učesnika na energetsom tržištu, za voditelja postupka opće rasprave o Nacrtu dozvole za rad za proizvodnju

električne energije u mikro-postrojenju OIE podnosioca zahtjeva FOTONAPONSKA ELEKTRANA „MARKOVIĆ“, vl. Anđelko Marković, iz Stoca.

- Imenuje Marijana Grbavac, stručnjak za proizvodnu djelatnost, za zamjenika voditelja postupka opšte rasprave iz stava (1) ovog člana.
- Ukoliko budu primljeni pisani komentari voditelj postupka iz stava (1) ovog člana, odnosno zamjenik voditelja postupka iz stava (2) ovog člana dužan je, u roku od sedam dana od dana zaključivanja postupka opšte rasprave, izraditi pisani izvještaj, koji sadrži komentare, analizu datih komentara i preporuku članovima FERK-a, u skladu sa pravilima i propisima FERK-a.
- Pisani izvještaj iz stava (3) ovog člana voditelj postupka je dužan dostaviti podnosiocu zahtjeva FOTONAPONSKA ELEKTRANA „MARKOVIĆ“, vl. Anđelko Marković, iz Stoca sa rokom za dostavu komentara na izvještaj, koje zajedno sa izvještajem dostavlja članovima FERK-a na dalje razmatranje radi donošenja odluke.

#### **Član 4.**

- Obavještenje za javnost o opštoj raspravi o Nacrtu dozvole za rad za proizvodnju električne energije u mikro-postrojenju OIE podnosioca zahtjeva FOTONAPONSKA ELEKTRANA „MARKOVIĆ“, vl. Anđelko Marković, iz Stoca, objavit će se na oglasnoj tabli i internet stranici FERK-a dana 24.07.2020. godine.
- Tekst Obavještenja za javnost o opštoj raspravi o Nacrtu dozvole za rad za proizvodnju električne energije u mikro-postrojenju OIE podnosioca zahtjeva FOTONAPONSKA ELEKTRANA „MARKOVIĆ“, vl. Anđelko Marković, iz Stoca, je sastavni dio ove odluke.
- Zainteresovana pravna i fizička lica mogu podnositi pisane komentare na Nacrt dozvole za rad za proizvodnju električne energije u mikro-postrojenju OIE podnosioca zahtjeva FOTONAPONSKA ELEKTRANA „MARKOVIĆ“, vl. Anđelko Marković, iz Stoca na adresu FERK-a ili na elektronsku adresu FERK-a, u periodu od 24.07. do 03.08.2020. godine do 13:00 sati.
- Lica koja imaju direktan interes da učestvuju u postupku izdavanja dozvole za rad za proizvodnju električne energije pod uslovom da im je interes različit od opšteg javnog interesa, mogu podnijeti zahtjev za sticanje statusa umješaača, na adresu FERK-a ili na elektronsku adresu FERK-a, u periodu od 24.07. do 03.08.2020. godine do 13:00 sati.

#### **Član 5.**

Ova odluka stupa na snagu danom donošenja, te se objavljuje na oglasnoj tabli i internet stranici FERK-a.

## Obrazloženje

Dana 10.06.2020. godine FERK je od podnosioca FOTONAPONSKA ELEKTRANA „MARKOVIĆ“, vl. Anđelko Marković, iz Stoca pod brojem UP1-06-13-1-45/20 primio Zahtjev za izdavanje dozvole za rad za proizvodnju električne energije u mikro-postrojenju OIE. Dopuna istog zahtjeva je primljena u FERK 23.06.2020. godine pod brojem UP1-06-13-1-45-01/20. Navedeni zahtjev je podnesen u skladu sa obavezom iz člana 4. Pravilnika za izdavanje dozvola da su fizička lica i elektroenergetski subjekti koji obavljaju ili žele obavljati djelatnost proizvodnje električne energije u mikro-postrojenju OIE obvezni imati, odnosno, pribaviti dozvolu za rad od FERK-a.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za izdavanje dozvole za rad za proizvodnju električne energije u mikro-postrojenju OIE broj UP1-06-13-1-45-02/20 od 30.06.2020. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 07.07.2020. godine pod brojem UP1-06-13-1-45-03/20 i dopis primljen u FERK 10.07.2020. godine pod brojem UP1-06-13-1-45-04/20 uz koje je dostavio traženu dokumentaciju i obrazloženja, a na osnovu kojih je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Članom 85. stav (2). Zakona o električnoj energiji u Federaciji Bosne i Hercegovine je propisano da izuzetno od odredbi iz stava (1) ovog člana, obavezi pribavljanja dozvole za rad za obavljanje djelatnosti proizvodnje električne energije, po skraćenom postupku kojeg propisuje Regulatorna komisija, podliježu fizička lica iz člana 12. stav (3) ovog zakona koja su osnovana u skladu sa Zakonom o obrtu i srodnim djelatnostima („Službene novine Federacije BiH“ broj 35/09), i koja će tu djelatnost obavljati u statusu obrtnika, u objektima instalisane snage do 23 kW.

Članom 27. stav (2) Zakona o korištenju obnovljivih izvora energije i efikasne kogeneracije, za mikro-postrojenja OIE primjenjuju se skraćene procedure, u skladu sa Pravilnikom za mikro-postrojenja OIE.

Član 16. stav (1) Pravilnika za izdavanje dozvola propisuje da nakon potpunosti zahtjeva za izdavanje dozvole za rad, odnosno zahtjeva za izdavanje prethodne saglasnosti za izgradnju direktnog voda u skladu sa članom 12. ovog Pravilnika, FERK utvrđuje nacrt dozvole ili donosi drugu odluku o zahtjevu na redovnoj sjednici. Stavom (2) istog člana propisano je da ukoliko utvrdi nacrt dozvole za rad FERK donosi odluku u kojoj se imenuje voditelj postupka i zamjenik voditelja postupka, te utvrđuje način i rokove za dostavljanje pisanih komentara javnosti na nacrt dozvole, dok je stavom (3) istog člana, propisano da FERK objavljuje obavještenje za javnost koje sadrži osnovne informacije o nacrtu dozvole za rad, načinu i roku dostavljanja pisanih komentara javnosti na nacrt dozvole za rad i eventualne druge informacije u vezi sa nacrtom dozvole za rad, na oglasnoj tabli i internet stranici FERK-a. Dalje, stavom (4) istog člana propisano je da, ukoliko su

primljeni pisani komentari voditelj postupka i drugi zaposlenici, ukoliko su određeni, izrađuju pisani izvještaj, koji sadrži komentare, analizu pisanih komentara i preporuku članovima FERK-a dok je stavom (5) istog člana propisano da pisani izvještaj iz stava (4) ovog člana, voditelj postupka dostavlja podnosiocu zahtjeva sa rokom za dostavu komentara na izvještaj, koji zajedno sa izvještajem dostavlja članovima FERK-a na razmatranje radi donošenja odluke.

Članom 37. stav (1) Pravilnika o javnim raspravama i rješavanju zahtjeva, sporova i žalbi propisano je da lice koje traži status umješaka u postupku dostavlja zahtjev za sticanje statusa umješaka u roku koji odredi FERK u svom obavještenju za javnost o postupku koji se vodi pred FERK-om.

Obzirom na navedeno, te imajući u vidu i odredbe člana 33. stav (3) i člana 48. Poslovnika o radu FERK-a, kao i člana 17. i člana 21. Pravilnika o javnim raspravama i rješavanju zahtjeva, sporova i žalbi, na osnovi pažljive analize svih činjenica i podnesenih dokaza, u skladu sa članom 85. stav (2) i članom 92. stav (2) Zakona o električnoj energiji u Federaciji Bosne i Hercegovine, te članom 27. stav (2) Zakona o korištenju obnovljivih izvora energije i efikasne kogeneracije, kao i članu 16. Pravilnika za izdavanje dozvola, FERK je odlučio kao u dispozitivu odluke.

**PREDSJEDNIK FERK-a**

**Mile Srdanović**

**Dostaviti:**

- FOTONAPONSKA ELEKTRANA „MARKOVIĆ“, vl. Anđelko Marković (poštom preporučeno uz dostavnicu)
- Sektoru za tehničke poslove i licence